

## Bieg metā

Bieg metā, kap tēj ratā  
Bieg dēinas ē nedielēs.  
Bieg ē metā, kap pašielē.  
Negalio ni apsakītē,  
Kap nuoriečio sostabdītē.

Būtom gerā dā gīventē,  
Ka nerektom daugiau sentē.  
Eso raškažiou ē valiuo,  
Diekavuojo Pondeivaliou!

Kol dā mēno sava kuojēs  
Ē tuos lēgas neprēstuojē,  
Kuožno dēino džiaugas šērdēs,  
Stēpravuojo – galio gērtēis.

Bieg metā, kap tēj ratā:  
Rēit pakalniou pardaug grētā.  
Kāp tou čiesa solaikītē,  
Ka nebiegtom – sostabdītē?

Parmēslējau, – žēnau tēkslē,  
Kuokēs dornas mona mēslēs!  
Tuokiu špuosu negal būtē  
Ē priš vieji nepapūsi!